


آبونه شرائطی

داخلی، خارجی هریر ایچون
سنه لکی (۲۵۰)، آلتی آسانی
(۱۳۰) غروشدیر.

لسخه ۵ غروش،
سنه لکی ۵۲ لسخه در.

اداره خانه
باب عالی جاده سنده دائرة مخصوصه
اخطارات

آبونه بدلی پشیندر
مسلمه موافق آثار مع الممنونیه
قبول اولنور. درج اینلهین
یازیر احاده اولونماز



دینی، فلسفی، علمی، ادبی هفته لقی مجموعه اسلامیه در

باش محرر صاحب و مدیر مسئول

اشرف ادیب

والله یهدی من یشاء الی صراط مستقیم محمد عاکف

اتبعون اهدکم سبیل الرشاد

مسلمان طوبی، محرب و فضل و طلاقہ معروف و مشہر بولان
مستنا شخصیتوں انتخاب ایدلاری لازمگیرکہ، بالطبع بومہم کیفیتی
کرک پادشاہز افندمن، کرک مسئول اولان زمامدارانہ اطرافہ
دوشونملر در۔

داخلی:

پای نختہ حکمفرما اولان احوالی تدقیق ایدہ جک اولسہق کورہ۔
جکیزکہ یومی مطبوعاتک شئون قسمی طولدیران تہجیر، تدقیق سیئات،
دیوان حرب مخصوص، تخصیصات مستورہ، اسکان مهاجرین
غیر مسلمہ، واطاشہ کورولورلندن عبارتدرکہ هنوز هیچ بریسی
مثبت بر نتیجہ ایہ اقتران ایتمہ مش، بالعکس یک جوق دیدی قودیلرک
میدان آلمسنہ سبیت ویرمشر۔ اجراءات و فعالیت نامہ بزم مسلمانجہ سنہ
حکومتزدن طلب ابتدیکمزشی، عدالت، قانونشناساق، تأمین معیشت
ملت، تقرر آسایش وامینتدر۔

خلقہ آبی ومنتظم بر صورتہ اکمک ویریلہ میور۔ ویریلان شیئک
غدا دیہ جک مابہتی دہ یوقدر۔ بو یوزدن معدلر بوزوق، اہالی خستہ
وبی تاب و تواندر۔ غلای اسمارہ چارہ بولنہ ماسی یوزندن دہ فقرامن،
بیکسارمن یا پریشان و معدوم اولغہ، یا خود سفالت و حسیض اخلاقیہ
دوشمکہ محکومدرلر۔

اعاشہ ایشی بر درلو یولنہ قونامیور۔ اکلاشیلیورکہ درد یالکز
کومورسز لکدہ دکلدز۔ دہا بشقہ عاملارہ اجرای حکم ایدوب
طورمقدمہ در۔

عوام طاقنی تشکیل ایدن اہالی اوتہ دہبری حکومتلرک ایسلیری
کوزلہ کوریلہ بیلہ جک محسوس آثار ایلہ طارئہ آیشمشر در۔ طوغری
اولسہدہ سرد ایدیان معذرتلری حوصلہ لرینہ صیغہ برہ میورلر۔ فاذک
اوقہسی اوچیوز غروشہ، شکرک ایکیوز الہیہ چیمہ مسندہ کی اقتصاد
قانونلرینہ بر درلو عقل ایردیرہ میورلر۔ ہرکس هنوز قراکلی باصمہ دن
ایہ گزرکچی منزلہ بر آن اول قوشمق مجبوریتی حس ایدیور۔

بودر درلہ چارہ بولمق، حوائج ضروریہ ایلہ اکمکی یولنہ قویق
ضروریدر۔ ایشلرک کسب صلاح ایتمسی بککہ ندیکی بر صرہدہ یکی اعاشہ
مقاولہ نامہسی اورتہ لنی آلت اوست ایتدی۔ بر جوق قیل و قالر،
اتہاملر، جوابلر، مناقشہلر، بوتون مطبوعات ستونلری قاپلادی۔ ملت
فائدہ بکارکن باری ضررہ اوغراماسون۔ مقاولہ نامہ نک ضررلی اولدینی
حقندہ اجماع حاصل اولیور۔ حکومتک بوندہ اصرار ایتمہ جکی امید اولیور۔

سیاسیاتہ کلنجہ مجلسک فسخندن متولد دیدی قودیلرہ قازشی حکومت
انتخاباتی زمان آنی بہ تملیق ایتمکہ مشروطیت پرورانک افکارینی تسکین
ایتمک ایستہ یور۔ بودہ آیربجہ قیل و قالی باعث اولیور۔

بو کون اہمی مہمہ ترجیح و حقیقی، جبری، منصفانہ، بیطرفانہ و عادلانہ،
برادارہ امور و مصلحت تعقیب ایدلک الزمدر۔ بوصورتہ بر طرفدن
فورطہ بہ طونولان سفینہ دولتی قورتارمق، دیگر طرفدن دہ اہالینک
معدہ سنی طوبورہ جق، احتاجاتی تہوین ایدہ جک وسائل اللہ ایتمکہ
جالیشمق ایجاب ایدر۔

اسلام علیہندہ نثریات

بر مدتدن بریدر رسائل موقوتہ نک بمضری، ازجلہ اسلامیہ
قارشی بو یولک بر غرض، مدہش بر کین اسلہن معہود اجتہاد بحجوعہ سی
یوزندہ کی ماسکینی بوسبتون آتہرق دین نمین اسلامہ اولو اورنہ
تجاوزات شنیعہ بہ باشلادی۔ افکار و حسیات اسلامیہ پی یک زیادہ
رنجیدہ ایدن بو قبیل نثریاتہ ذیلانک ہیج بر یرندہ، حتی الک حر
یکین مملکتلرہ تصادف ایدیلہ من۔ بو یولر علمی، اخلاقی، اجتماعی
ہیج بر قیمت و مابہتی حائز اولدقلر یچون مناقشہ علمیہ بہ موضوع
اتحاد ایدیلہ مہیہ جکاری طبیعی در۔ دیندار اولدقلری صریح و یاضنی
بر صورتہ افہام ایدن، ہانکی ملتہ منسوب اولدقلری آکلاشیلہ میان
بوجرا تکارلر صرف طوغرودن طوغرودہ دین، بین اسلام وارکان
ضروریہ سنی تحقیر و تنبیف غایہ سنی تعقیب ایدیورلر۔ بناء علیہ متجاوزلرہ
قارشی حکومتک، مدعی عمومیلکک مداخلہ سی بر وظیفہ قانونیہ در۔
دولتہ مرعی اولان ادیاندن ہانکیسنہ طاند اولورسہ اولسون حریت
دینہ و وجدانیہ تعرض مابہتندہ کی نثریاتہ قارشی قانون جزا احکام
مخصوصہ سی حاویدر۔ باخصوص تجاوزاتہ مروض قالان دین، دولتک
دینرسمیسی اولورسہ حکومتک بو خصوصہ دہا زیادہ اعتنا کاردوار اتمسی
لازم کلہ جکی آشکاردر۔

ردہ قانون اساسی احکامنجہ حمایتی دولت طرفندن اتمہد
ایدیلہ مش اولان ملل و مذاہبہ منسوب کی کورونمککہ برابر ادیان
مرعیہ نک ہیج برینہ نسبتلری بولونمیدینی نثریات واقعہ لرندن
آکلاشیلان بوجرا تکارلرک شاید بومککندہ حقوق مدنیہ لری موجود
ایسہ مذہبلرک تمیزیلہ اولوجہلہ معاملہ ایفاسی و الارندہ بولنوب
مناکحات و سازہدہ اساس اولان نفوس تذکرلر بچدہ آکا کورہ
تصحیحات و تعدیلات اجرا قیلنہ سی اقتضا ایدر۔

امید ایدرکہ اہمیتی ایضاحہ محتاج اولیان بومسئلہ حکومتک
نظر دقتنی جلب ایدرہ لازم کلن تدابیرک اتخاذینہ مسارعت اولیور۔

آثار منتشرہ:

اعتصام و حبل متین

بر قاج ہفتہ دن بری (اعتصام) عنوانیلہ انتشار ایتمکدہ اولان دینی،
علمی، ادبی رسالہ موقوتہ بہ بو پنجشنبہ کوشندن اعتباراً (حبل متین)
اسمندہ وعینی موضوعلر دن باحث دیگر بر رسالہ موقوتہ دہا الضمام
ایتدی۔ بو کی اسلامی رسائلک جو غامسی بالطبع موجب ممنونیتدر۔
محترم رفیقلر منک ہر ایکسندہ موفقتلر نعتی ایدرز۔

سبیل الرشادی اوقویان ہر ذات اخوان دیندن لا اقل ایکی آیشی پی
آبونہ قید ایتدیرمککہ ناید اسلام غایہ سنہ بو یولک خدمت ایتمش اولور۔

اشرف ارباب

[حقوق مطبعہ سی]